

Weh Wi Ga Fi Seh

Memba fi chreet ada pipl
how yu waahn dehn
chreet yoo!

Fahn di rait ya soh tu di rait yasoh

Disemba dehya! Yes! Yu reed mi karek! Wi tek dis apachooniti fi gi unu wahn preevyoo a sohn a di lee chaynj dehn, er adishan dehn, yu wahn si eena di sekan edishan a di **Kriol-English Diskshineri**. Az wi mi-di tel unu fahn taim tu taim oava di laas yaaz dehn sins bowt 2017, wahn lee groop di wach how di Kriol langwij di chaynj, di way yong pipl di kehr di langwij faawad, di way di myoozik di kohn owt, di way pipl di yooz er noh yooz di Kriol raitn sistim, di way how Kriol speekaz yooz Kriol eena wahn nyooz ripoat wen dehn intayoo sohnbadji. Laik wen sohnbadji son kech ih ded, er faiya bon op dehn hows. Er sohnbadji weh beks beks bowt sohnting, laik wahn bos ron er sohn govament servis.

Sohnting weh wi disaid da wahn impoatant important meetn di Langwij Groop mi ga pahn Novemba 4, 2023, da dis: Sohn way wi riprzent tugged wahn fyoo moa werdz weh ga, reeli, wan yoonit a meenin—wel, wahn fyoo moa a **dehnya** merj tugged eena how di sekand edishan wahn rait dehn.

(*Dehnya* [= These, ("these here") mi don merj fahn King Hama da-mi Hachit!]. Tudeh, wi shayaa wan:

yasoh (here—literally = here so; meaning = right there).

Kriol Dikshineri edishan #2 wahn ga: **yashoh**.

Di korent edishan #1 ga: **ya soh**.

Memba, dis da sohnting ada langwij du tu!

Laik eena Inglish: **another ... an other** sins merj intu “**another**.”